



HURIA KRISTEN BATAK PROTESTAN (HKBP)
HKBP PURWOKERTO - RESSORT PURWOKERTO,
DISTRIK XVIII JABARTENGDIY

Jl. Sarwo Endah VII, Purwokerto Kidul, Website : hkbpwt.org
Rekening Huria : Bank BRI 1792-01-002272-50-0



Pimpinan Jemaat : Pdt. Jetro Tampubolon (082398313912), Parartaon : St. ARH. Lubis (081225214579),
Sekretaris Gereja : St. WHA Sinabutar (081392493304), Bendahara Gereja : St. L. Simarmata (085326809788)

PARTORDING NI PESTA
PARNINGOTAN ARI HANANAEEK NI TUHAN YESUS

Ev: Epesus 1 : 15 – 23

Ep: Psalmen 93 : 1 - 5



Topik:
HUNDUL JESUS DI SIAMUN NI DEBATA
(Epesus 1 : 15 - 23)

KAMIS 29 Mei 2025

01. JOUJOU TU PARSOMBAON (P: Paragenda; H: Huria)

P: Huria na hinaholongan ni Tuhanta Jesus Kristus. Sadari on gok las ni roha do hita huriaNa mamestahon parningotan di ari hananaek ni Tuhan Jesus tu banua ginjang. Ari parningotan on, laho lam patoguhon pangkirimonta, paboa ndada portibi on ujung ni pardalanan ni ngolunta na porsea di Ibana, alai di surgo do sambulo ni tondinta. Alanii rap ma hita mangolophonsa:

H: *Ale Tuhan Jesus Kristus! Di Ho ma tama pujipujian, hasangapon dohot hamuliaon, ro di saleleng ni lelengna.*

P: Di papos do rohanta paboa Jesus naung manaek tu banua ginjang, tu surgo sambulonta i, mangarade inganan di hita angka na porsea di Ibana. Alanii tama do ingkon marlas ni roha hita. Dibagasan serep dohot unduk ni roha, tapuji ma Tuhanta Ulubalang na gogo i, marende ma hita:

02. Marende BE. No. 99: 1-3 Ulubalang na Gogo

♪ ♪ ♪ *O ulu balang na gogo, songon sadari on do Ho manaek tu hasangapon. Naung sidung do ulaonMi, na ringkot patupaonMi humophop hajolmaon.*

Sabam, tongam do Ho muli tu na uli marhabangsa di siamun ni Jahowa.

♪ ♪ ♪ *Marloksaloksa serapim, marriburibu kerubim mamuji Ho na monang.*

Dibaen naung pinadomuMi saluhut manisias i tu Debata di ginjang.

Puji, puji Jesus Kristus naung patulus saluhutna tinonahon ni AmaNa.

...Jongjong...

♪ ♪ ♪ *O Jesus Ho do uluni saluhut na porsea i, ruasMu anggo hami.*

Ho hangoluannami on, Ho hasonangannami on, Ho hagogoonnami.

Suru, togu rohanami asa hami mangalehon tu Ho nasa hasangapon.

03. VOTUM – INTROITUS - TANGIANG

P: Marhitehite goar ni Debata Ama, dohot goar ni AnakNa Tuhan Jesus Kristus dohot goar ni Tondi Parbadia na tumompa langit dohot tano on. Amen. Songon on didok Tuhan i: Bahenonku do sogot na monang i rap dohot Ahu hundul di habangsangKi, songon Ahu na monang i jala hundul rap dohot Damang di habangsaNa i. *Haleluya!*

H: *(Huria Mangendehon) Haleluya...Haleluya...Haleluya...*

P: Martangiang ma hita! Ale Tuhan Debata, Pargogo na so hatudosan! Sai pargogoi ma hami manghaporseai AnakMu na sasada i, sipangolu hami, na manaek tu surgo, asa huparrohahon hami roha banua ginjang marhitehite Anak haholongan ni rohaM, Tuhan Jesus Kristus, Tuhannami. Amen.

... *Hundul ...*

04. Marende BE. No. 98: 1+3 Naung Manaek do Ho

♪♪♪ Naung manaek do Ho lao tu surgo do.

Ale Jesus Rajanami, Ho do ihuthononnam.

Ho partogi i, lao tu surgo i.

♪♪♪ *Suru ma TondiM, singkat ni bohiM*

Tubagasan rohanami manogihon tondinami.

Lao tu surgo i tu adopanMi.

05. PATIK

P : Patik ni Debata di Pesta Paningotan Ari Hananaek ni Tuhan Jesus sadari on, tarsurat di Johannes 3:13 "Ndang adong na manaek tu banua ginjang, ia so naung tuat i sian banua ginjang; i ma Anak ni Jolma i, na di banua ginjang i hian." Songon i ma sahatna! Antong rap mangido gogo ma hita tu Tuhan Debata, laho mangulahon PatikNa i:

P+H :Ale Tuhan Debata! Sai pargogoi ma hami mangulahon na hombar tu patikMi. Amen.

06. Marende BE. No. 677: 1-2 Mansai Lambok

1. Mansai lambok Tuhan Jesus manjou, Manjou ho dohot au,

Ida Ibana paima haroromu mulak ma ho dohot au.

Antong sai ro ma ho angka na sorat Sai ro ma ho,

Mansai lambok Tuhan Jesus manjou pardosa mulak ma ho.

...Jongjong...

2. Unang ho gangu dapothon Tuhanmu, na manjou ho dohot au,

Jangkoni asi ni roha ni Tuhanmu, sihophop ho dohot au

Antong sai ro ma ho

07. MANOPOTI DOSA + BAGABAGA

P : Dibagasan serep ni roha tu Tuhanta, tatopoti ma dosanta; Martangiang ma hita! Ale Tuhan Debata, Pargogo na so hatudosan jala Ama Parasiroha! Ndang lomo rohaM mida hamarean ni pardosa; mulak ma nian parjahat i tumadingkon dalanna, asa mangolu ibana, i do dipangido rohaM. Alani i umbahen hupangido hami; sai sundati ma torutoruM asa unang mangonai be tu hami. Sai sesa sude dosanami, asa mangolu hami di bagasan asi ni rohaM. Sai pargogoi ma hami, asa margogo hami, marhitehite Tuhan Jesus Kristus Tuhannami. Amen. ***(Musik angonangon... BE. No. 677:1...)***

Bagabaga ni Debata taringot tu hasesaan ni dosa! Ise be mangaluhon angka na pinillit ni Debata? Debata do na mamintori. Ise do na mandabu uhum hamagoan? Kristus Jesus do naung mate; alai ndada holan i, naung

mulak mangolu do, jala di siamun ni Debata do Ibana mangondihon hita.
Hasangapon ma di Debata na di ginjang!

H : *Amen.*

08. Marende BE. No. 97: 1+4 Ingoton ma Sadari on

♪♪♪ *Ingoton ma sadari on parnaek ni Tuhan Jesus.*

Tu HabangsaNa na tongtong, na so tarbaen be meret.

Tasomba ma Tuhanta i, naung mulak tu AmaNa i;

Tapuji ma Ibana.

4). Ai mulak do Tuhanta i Di ari paruhuman

Sai dabuonNa do disi Sude parhajahaton

Tu api na so mintop i Alai haholonganNa i Tu surgo bahenonNa.

09. MANJAJA HATA NI DEBATA

P: Tajaha ma Hata ni Debata, turpuk Epistel di Pesta Parningotan Ari Hananaek ni Tuhan Jesus sadari on, tarsurat di Pesalmen 93 : 1 - 5. Jahowa do Raja, nunga marpahean hamuliaon Ibana, marpahean tongon Jahowa, nunga di hohoshon hagagoon: jadi hot ma portibi on, ndang tagamon humuntal.

H: *Hot do habangsaM sian na robi, sian salelenglelengna do Ho.*

P: Nunga martimpul angka batang aek, ale Jahowa, nunga martimpul hasak ni angka batang aek, nunga di umbakhon angka batang aek panunjanasida.

H: *Gumogo sian angka parhasak ni aek na magodang do angka galumbang ni laut, alai tumongam sahali do Jahowa di banua ginjang.*

P: Sintong situtu do angka panindangionMu, habadiaon do na tama di bagasMu, ale Jahowa, ro di salelenglelengna.

I do sahatna! Matua do angka na tumangihon Hata ni Debata, jala naumpeopsa. Amen.

10. Marende BE. No. 638: 1-2 Patimbul Tuhan I

1. Patimbul Tuhan I, di habangsaNa I,

Marhasak baen soarami mamuji Tuhan I,

Endehon ma rajaM sian sandok roham,

Naung mate ala ni dosam, oloi ma Debatam.

...Jongjong...

2. Patimbul Anak I, naung gabe jolma I

Na mangantusi arsakmi na pangoluhon I

Dijangkon hita be, gabe jambarNa I

Asa sonang hita muse, di adopanNa i.

11. MANGHATINGDANGHON HAPORSEAON

L: Tahatindanghon ma haporseaonta i, songon na hinatinghonghon ni donganta sahaporseaon di sandok portibi on. Rap ma hita mandok:

L+J: *Ahu porsea di Debata Jahowa.....d.u.... Amen...*

Hundul

12. KOOR:

13. SUNGGUL-SUNGGUL:

- a. Goar ni Parpunguan
- b. Topik
- c. Program Diakonia Huria: Pasahat Tungkot tu Namarulang tahun 75

14. KOOR:

15. Marende BE. No. 523: 1 . . .Aning Andigan (Pelea Ia & Ib)

1. Aning andigan do tarbahen au, tu surgo i, tu surgo i

Asa huida disi Tuhanki, di surgo i, di surgo i

Lan do na porsuk siaeon dison sonang disurgo do tondingkinon.

Alani I sai malungun do au, tu surgo i, tu surgo i.

2. Sai guru dilomoMi ma au on :: Mian au dison :::

Butbut na jat, baen ias rohangkon ::: Ditano on :::

Holong rohangku di Jesus tongtong, nang hahanggi di portibi on

Sai na managam do rohangkinon. Di haroroM tu tano on.

...Musik...

3. Sonang dison, sonangan do disan, aha dope hurang tahe?

Asal tung sai marsihohot au on ::: Tu Ho Tuhan :::

Sai sonang au tumpahanMu dison, sonang rohangku,

Dung tos hosangkon : Asal ma Jesus jambarhu tahe, Aha muse hurang dope?

16. KHOTBAH: EPESUS 1 : 15 – 23

17. Marende BE. No. 522: 1 . . . Surgo i Sambulonta Do I (Pelea II)

1. Surgo i sambulonta do i, ndang adong be siaeon disi,

Na mamuji tongtong na disi, pinaluani Tuhanta i.

Surgo i, surgo I, ndang adong be siaeon disi, surgo i, surgo i, surgo i,

Ndang adong be siaeon disi.

2. Na marloksa naung sahat tusi, tu inganan na sai denggan i.

Aut naung ro domu ma au dohot i, gok las ni rohangku disi.

Surgo i, surgo i.....

...Musik..

3. Na mangkirim rohangku dison, paima sahat tusi nang au on.

Taiti au, ale Tuhan tusi, asa rap dohot Ho au disi.

Surgo i, surgo i.....

4. Holan sada nama holsongki: Unang tading haholonganki,

Na tu au pinalumenhonmi: Nang nasida sai togu tusi,

Surgo i, surgo i.....

18. TANGIANG PANGUJUNGI :

Tangiang Pelean, Tangiang Hananaek Ini Tuhan Yesus + Ale Amanami...

Pasupasu Amen...Amen....Amen....